



Groupe parlementaire

Här Claude Wiseler
President vun der Deputéiertechamber
19, um Krautmaart
L-1728 Lëtzebuerg

Clärrref, de 24. November 2025

Här President,

esou wéi d'Chambersreglement et virgesäit, bieden ech lech, dës parlamentaresch Fro un d'Madamm Verkéiersminister weiderzeleeden.

An der Äntwert op déi parlamentaresch Fro Nummer 2936 vum honorabelen Deputéierten André Bauler no der Gesamtunzuel vun de Verkéiersradare schreift d'Madamm Minister ënner anerem, datt Lëtzebuerg aktuell iwwer "2 Chantiersradare fir d'Vites" verfüügt.

Op der "lechternacher Streck" N11 kënt téschent der Schanz a Grolënster säit iwwert engem Mount en entsprechende Chantiersradar zum Asaz. Dat wuel, fir wärend der Ausféierung vun deenen am ministerielle Reglement vum 17. September iwwert d'Securisation op der N11 festgeschriwwenen Aarbechten, déi entspreichend Vitesslimitten ze kontrolléieren. Esou wéi vill Automobiliste berichten, ass awer no enger Phas vun ursprénglechen Aarbechten, déi offenbar d'Erneuerung oder d'Securisation vun de Leitplanken zum Zil haten, säit Wochen näischt méi geschitt. Anescht wéi am zitéierte Reglement virgeschriwwen, si sämtlech Iwwerhuelspueren nees fräiginn an d'Vitesslimit a béid Richtunge bedréit nees 90 Stonnekilometer. E finalen Datum, bis wéini d'Aarbechte sollen ofgeschloss ginn, ass am Reglement vum 17. September net festgehalten.

An deem Zesammenhang géif ech der Madamm Verkéiersminister gär dës Froe stellen:

- 1) Goufen d'Aarbechten aus deem uewe genannte Reglement méttlerweil ofgeschloss? Falls net, wéi eng Aarbechte stinn nach aus a wéi erkläert d'Madamm Minister an deem Fall déi laang Phas vun den Ënnerbriechungen?
- 2) Firwat kënt de Chantiersradar op där genannter Plaz duerchgoend zum Asaz, obwuel nëmme wärend enger kuerzer Phas dovun tatsächlech Aarbechte stattfonnt hunn? Bis wéini ass den Asaz vun deem Radar op dëser Plaz virgesinn? Wier de Radar am Sënn vum Schutz vun de betraffene Bauaarbechter net méi effizient op enger Plaz agesat, wou tatsächlech Aarbechte stattfannen, dat op d'mannst fir déi Zäit, wou d'Aarbechten op der N11 gegebenefalls ënnerbrach sinn?
- 3) Existéiere spezifesch sécherheetstechesche Ursachen, firwat de Radar zousätzlech zu deenen zwee fixe Radaren, dem Streckeradar souwéi de regelméissege mobile Kontrollen iwwert d'Gesamtlängt vun der Streck, ausgerechent op der N11 opgestallt gëtt?

Mat déiwem Respekt,

Michel Lemaire
Deputéierten